



Nunatsinni piniartut aalisartullu piniakkanut aalisakkanullu ilisimasaasa katersorneqartalernissaat ilisimasaallu ilisimatuarnikkut atorpeqarlutillu nalilersuutaasarnissaat siunertaralugu Pinngortaleriffik pillugu inatsisartut inatsisaata nutaterneqarnissaannik Naalackersuisut peqquneqassasut Inatsisartut aaliangiiffigisassaattut siunnersuut. Inatsit nutartigaq UPA2025-mi saqqummiunneqassaaq.

(Inatsisartunut ilaasortaq Mikivsuk Thomassen, Inuit Ataqtigiit)

(Siullermeerneqarnera)

Qujanaq Inatsisartumut ilaasortaq Mikivsuk Thomassen siunnersuummut.

Demokraatinut pingaartuuvoq, aalisakkanut piniakkanullu peqassutsitsinnut ilisimasani katersisoqartuarnissaa. Pinngitsoorani aalisagaqarlunilu qalerualinnillu immami aamma piniagassanik nunami peqartariaqarpoq, aamma kinguaassatta tulluusimaarlutik aalisartuunissaat piniartuunissaallu anguneqassappat. Taamatuttaaq pingaattuuvoq, uagut ullutsinni inuusugut qulakkiissagipput, aalisartugut piniartugullu aalisarsinnaallutillu piniarsinnaanerat.

Demokraatini qularutiginngilluinnarparput, isummagut taakku innuttaasut amerlanerpaartaannik isumaqatigineqartoq. Tamanna tunngavigalugu pingaartuuvoq, Pinngortaleriffimmi biologit aalisartortatta piniartortattalu akornanni pitsaasumik suleqatigiinnissaaq. Demokraatit paasinnittaasa malillugu isumaqarpugut, ullumikkut suleqatigiittoqareersoq. Tamanna suleqatigiinneq annertusarneqassanersoq imaluunniit ima ingasatsigissasugut inatsilersuutissallugu apeqquterujussuuvoq, Pinngortaleriffimmit aammalu aalisartunit piniartunillu akissutigineqartunit aalajangiisuusussaaq.

Taamaattumik siunnersuuteqartoq uani isumaqatigaarput, aalisartut piniartullu ilisimasaat ilisimatusarnermi atorneqassasut, maannakkulli ersarissumik oqaatigisinnaanngilarput, qanoq ililluta tamanna qulakkeersinnaaneripput.

Taamaattumillu isumaqarneruvugut, suleriesissaaq pitsaanerpaaq unaasinnaasoq, Aalisarnermut, Piniarnermut Nunalerinermullu ataatsimiititaliap Naalackersuisut qanimut suleqatigalugit paasiniassagaa, qanoq pitsaanerpaamik qulakkeersinnaaneripput, aalisartut piniartullu ilisimasaasa ilisimatusarnermi atorneqarsinnaanerat.

Taamatut paasinnilluta siunnersuut Aalisarnermut, Piniarnermut aamma Nunalerinermut ataatsimiititaliami suliarineqarnissaa innersuussutigaarput.